



Broj: 22
Maglaj, 2022.godine

PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, br. 49/06 i 51/09), člana 2. Zakona o pečatim Zeničko-dobojskog kantona („Službene novine Zeničko-dobojskog kantona“, br. 7/96, 11/97, 12/04 i 15/09), a u vezi sa članom 9. i 18 Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na sjednici održanoj dana 2022.godine, donosi

ODLUKU **o izmjeni i dopuni Odluke o pečatu Općine Maglaj**

Član 1.

Ovom Odlukom mijenja se i dopunjava Odluka o pečatu Općine Maglaj broj:02-04-1-223/22 od 10.02.2022.godine („Službene novine Općine Maglaj“, broj:1/22)

Član 2.

U odredbi II – Oblik i sadržaj pečata, član 4. mijenja se i glasi:

„Pečat organa iz člana 2. ove Odluke ima oblik kruga i sadrži tekst: Bosna i Hercegovina, Federacija Bosne i Hercegovine, Zeničko-dobojski kanton, ispisan manjim slovima na vanjskom obodu pečata, te Općina Maglaj i naziv organa (Općinski načelnik ili Općinsko vijeće) ispisan velikim slovima u unutrašnjem koncentričnom krugu oko grba općine Maglaj latinicom, bosanskim i hrvatskim jezikom i ćirilicom na srpskom jeziku.

Član 3.

Izmjena i dopuna ove Odluke stupa na snagu narednog dana od dana objavljivanja u „Službenim novinama Općine Maglaj“.

PREDSJEDAVAJUĆA
Svjetlana Zamboni

O b r a z l o ž e n j e

Pravni osnov za donošenje Odluke sadržan je u članu 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, br. 49/06 i 51/09) kojim je općinsko vijeće definisano kao organ odlučivanja i taksativno nabrojane nadležnosti općinskog vijeća.

Članom 2. Zakona o pečatima Zeničko-dobojskog kantona („Službene novine Zeničko-dobojskog kantona“, br. 7/96, 11/97, 12/04 i 15/09) propisano je da pravo na pečat Kantona imaju Ministarstva i drugi organi i organizacije kantona.

Članom 9. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), propisano je da Općina ima pečat, te da sadržaj i oblik pečata, njegovu izradu i korištenje utvrđuje Općinsko vijeće odlukom u skladu sa zakonom.

Član 18. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), propisuje nadležnosti Općinskog vijeća.

Dana 10.02.2022.godine na 12. redovnoj sjednici Općinsko vijeće Maglaj je donijelo Odluku o pečatu Općine Maglaj, broj:02-04-1-223/22, gdje je u odredbi II – Oblik i sadržaj pečata, u članu 4. utvrđeno da će tekst pečata biti ispisan na bosanskom jeziku.


Dana 15.02.2022.godine načelnik općine je donio Odluku o broju pečata Općine Maglaj, broj: 06-45-1-264/22, te je istom utvrđen broj pečata za organe jedinice lokalne samouprave.

U skladu sa procedurom izrade pečata, te donesenim odlukama, dana 15.02.2022.godine Ministarstvu za pravosuđe i upravu Zeničko-dobojskog kantona podnesen je Zahtjev za odobravanje izrade pečata.

Ministarstvo za pravosuđe i upravu Zeničko-dobojskog kantona je dana 31.03.2022.godine izdalo Rješenje broj:06-04/2-04-2749-1/22, kojim se Općini Maglaj odobrava izrada pečata za organ jedinice lokalne samouprave Općinski načelnik, a dana 11.04.2022.godine Rješenje broj:06-04/2-04-2749-2/22, kojim se Općini Maglaj odobrava izrada pečata za organ jedinice lokalne samouprave Općinsko vijeće, a u kojim je članom II. definisano da Sadržaj teksta pečata ispisuje se latinicom, bosanskim i hrvatskim jezikom i ćirilicom na srpskom jeziku, a što je propisano Zakonom o izmjenama i dopunama Zakona o pečatima Zeničko-dobojskog kantona („Službene novine Zeničko-dobojskog kantona“, broj:12/04)

U skladu sa rješenjima koje je odobrilo Ministarstvo za pravosuđe i upravu Zeničko-dobojskog kantona neophodno je završiti proceduru izrade pečata, a što rezultira i usklađivanjem prethodno donesenih akata.

Shodno navedenom pripremljen je Prijedlog Odluke o izmjeni i dopuni Odluke o pečatu Općine Maglaj, te se predlaže Općinskom vijeću da ga kao takav i usvoji.

Obradivač: Emina Hasanić 



NAČELNIK OPĆINE
Mirsad Mahmutagić

